

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Archiepiscopis, Episcopis, & aliis Ecclesiarum Praelatis, Comitibus,
Baronibus, civibus, & aliis per regnum Siciliae constitutis.

urn:nbn:de:hbz:466:1-20006

cum Bononiae morari dicatur, auctoritate nostra sublatu appellationis impedimento confirmant, aut tu, eis forsitan nolentibus confirmare, confirmes. Si vero Capitulum minoris Ecclesiae non potuerit sive noluerit ad nominationem habere processum, aut talem fecerit quae merito debeat reprobari, tu auctoritate nostra suffultus, nullius contradictione vel appellatione obstante, eis in Priorem de persona idonea providere non tardes. Contradictores &c. testes &c. nullis literis obstantibus si quae apparuerint prater assensum partium &c. Datum Laterani Idibus Maij.

Archiepiscopis, Episcopis, & aliis Ecclesiastum Prelatis, Comitibus, Baronibus, civibus, & aliis per regnum Siciliae constitutis.

*Epiſt. 37.
De causa Vvalteri Brenensis.*

Opéra testimonium perhibent veritati, & nostri animi puritatem actionis sinceritas manifestat, quae abscondita cordium publicat, & consilia etiam occulta revelat. Noveritis etenim omnes & singuli qualiter pro carissimi in Christo filio nostri I. Siciliae Regis illustris honore ac regni quiete nec personis fratum & consanguineorum nostrorum pepercimus haec tenus, nec onera vitarimus expensarum, sed regni necessitatibus in rebus subvenierimus & personis, opponentes nos murum pro eo ascendentibus ex adverso, & tam infra regnum quam extra iniquorum consiliis obviantes. Nec fuit labor noster inanis, sed in tantum profecimus, Domino favente, quod hodie plene fuisset regno tranquillitas restitura, nisi hostem directum familiaris inimicus erigere praesumpsisset, & in gremio Regis fovere serpentem, & in domini sui excidium seruum furentem armare. Cum autem dilectus filius nobilis vir Walterus Comes Brenensis ad nostram presentiam accessisset, verentes ne Regis & regni hostibus adhaeret, fierique novissimus error peior prior, si non posset in jure suo favorem apostolicum obtinere, memores ejus quod legitur, *Arma tenenti omnia dat qui justa negat*, recognovimus ipsi jus suum, & eum ad Regis obsequium duximus admittendum; ne si aliter ageremus, videremur obviare justitiae veritatique resistere. Est enim in partibus vestris notorium & ferè omnibus manifestum qualiter H. quondam Imperator, cum W. filius inclite recordationis Regis Tancredi ipsi se redidisset, ei & heredibus ejus principatum Tarenti & Litij concederit comitatum.

Noveritis autem quod idem W. & sorores ipsius in nullo penitus deliquerunt, per quod deberent facta sibi concessionem privari, cum etatis beneficio excusentur.

Recepimus ergo ab eodem Comite super crucem & evangelia publicè juramentum quod nec per se nec per alium quicquam contra personam vel coronam regiam attentabit, sed potius hostes Regis & regni,

Raynald ad
an. 1202. §. L

nominatim autem Marcualdum, Diubulum, & fratrem ipsius Oddonem de Laviano, & ejus germanum viriliter impugnabit, quod ipse fideliter executus, bis concedente Domino mirabiliter obtinuit de Diubuldo triumphum, & prostratis multis ex fautoribus ejus, Oddonem de Laviano & Sa. Diubuldi germanum cum quibusdam aliis adhuc detinet vinculis alligatos. Volentes igitur per eum Regi & regno pleniū subvenire, ipsum contra Marcualdum in Siciliam destinamus, spe

rantes in Domino quod desideratam de ipso victoriam citius assequetur. Licet autem usque adeo in obsequio Regis & regni jam eluceat fides ejus ut de puritate intentionis ipsius nullus penitus debeat dubitare, ut tamen omnis penitus suspicio sponiat, dilectum filium R. tituli sanctorum Marcellini & Petri Presbyterum Cardinalem apostolicæ sedis Legatum extraordinarium & nobilem virum Iacobum confobrinum & Marescalcum nostrum in Siciliam duximus dirigendos, concessa eis plenaria potestate ut gerant in illis partibus vices nostras, & personam regiam, si de Marcualdi manu fuerit liberata, faciant per familiares regios fideliter custodiiri. Comiti etiam dedimus in mandatis ut procedat juxta dispositionem eorum & ipsorum statutis humiliter acquiescat. Speramus enim quod Marescalcus ipse, sicut olim strenue contra Marcualdum se habuit, sic nunc etiam prudenter & discretè procedet, & regiam in omnibus tuebitur dignitatem. Monemus igitur universitatem vestram & exhortamur attentiū & per apostolica scripta præcipiendo mandamus quatenus Marescalcum ipsum sicut personam nostram recipientes humiliter & honorifice pertractantes, ei & Legato prædicto sicut nobis humiliter intendatis, & cum eis pariter & ad mandatum eorum contra excommunicatum & perfidum Marcualdum afflatis Comiti memorato viriliter & potenter, mandatum apostolicum taliter impleturi quod in hoc appearat pleniū fides vestra & constantia ve-

*Vida Gestæ Inno-
centij III.
cap. xxv.*

stra fiat omnibus manifesta, scituri quod honorem eidem Marescalco impensum reputabimus nobismetipſis exhibitum, & pro eo vobis & vestris curabimus, dante Domino, magnifice respondere. Si quis autem, quod non credimus, eum in honore prælumeret, præsumptionem ejus tanquam in noſtrā & regiam injuriam redundantem curaremus graviter vindicare. Datum Laterani.

B. Episcopo in Archiepiscopum Panormitanum electo, regio familiari &c.

Epiſ. 38.
V. Walterum
Brenensem ad-
jacet.

Non potest facere filius nisi quod patrem viderit facientem, nec arbor bona faciet fructus malos. Sanè bona memoria Walterus Panormitanus Archiepiscopus, qui te ſibi adoptavit in filium, qui & parvulo priùs lac potum tribuit & non eſcam, & crescenti scientiæ panem fregit, & majori tandem cibum ſolidum ministravit, ut in te mortua quoque viveat, & ſuam imaginem expreſſius figuraret, in corde docili mores proprios digito ſuо ſcripsit, & ſic ſigillo ſuo ceram adhuc ruđem impressit ut adhuc etiam cum reatè intuentibus repræſentet. Noverat etenim, tanquam doctus, quod vasi quis infundet non sincero, vas tui pectoris adhuc crescents non permisit niſi redolenti incenſiari liquore, nec maſſam terrenam paſſus est malitiæ aut nequitiae corrumpi fermento, ſed immunem eam ab omni contagio conservavit. In bonum quoque olivam plantam inſeruit, quam plantavit, ut fierent tandem filii tui ſicut novellæ olivarum in circuitu menſae tuae, ac tu Romanam Eccleſiam, ſine cuius rore non poteras roborari, non impinguares oleo peccatoris, ſed exultationis oleo irrigares, & ei tam multitudinem quam plenitudinem tuorum fructuum devoveres. Nunc ergo, ſicut in moribus, ſic etiam in cathedra ſuccedens eidem, in devotione ſedis apostolicæ ipsius te demonstrans heredem, eligenſ non ſolū perfecutionem pati propter iuſtitiam, ſed malens etiam pro Eccleſia Romana reverentia exulare quam habitare in tabernaculis peccatorum, verū quoniam diligentibus Deum omnia cooperantur in bonum, in tribulatione amplius dilataris, & ſicut aromata melius flaſtant, ſic plures currunt in odorem unguentorum tuorum, dum aeftus perfecutionis ea in te cogit amplius aſtuare. Oleum enim effuſum nomen tuum. Ecce ſiquidem uſque adeo fecit tecum Dominus

in tentatione prouentum ut non ſolū familiares & domeſtici te ſequantur, ſed illi etiam qui ſunt foris, eloquentiæ tuae dulcedine, ab eo qui ad illos foras exierat recedentes, ad commonitionem tuam ad mandatum noſtrum humiliter redierint, & devotè à nobis conſolationis remedium & ſalutis angelum expectantes. Factum eſt autem Domino concedente ut in literarum tuarum uſceptione dilectus filius nobilis vir Walterus Comes Brenensis apud nos præſens exiſteret, & tam literarum ipſarum tenorem quam noſtram intelligeret plenius voluntatem. Ei ergo ſub quanta potuimus diſtriſtione mandavimus ut poſt poſitif ſollicitudinibus aliis ad iter protinus ſe accingat, & in Siciliam in Regis & regni ſubſidium tranſfretare. Ipſe autem mandatum apostolicum, licet videretur initio nimis grave, ut dimiſis propriis, aliena negotia procuraret, humiliter ramen & devotè recepit, & ſe promiſi illud celeriter & hilariter impleturum. Monemus igitur fraternalitatem tuam & exhortamur in Domino, & per apostolica tibi ſcripta mandamus quatenus de auxilio Dei & ejusdem Comitis adventu ſecurus, in incepſe devotionis fideliteſe perfidas, quoniam in proximo deſideratum diuitiis Regis & regni ſalutare videbis quod Dominus pro illorum ſalute qui de iipſius miſeratione confidunt miſericorditer & mirabiliter præparavit. Tu autem de plenitudine gratiæ ſecurus, nec movearis in aliquo, nec turberis, nec qualibet occaſione præſumas ut quod per nos laudabiliter eſt incepſum, velimus relinquere inexplatum. Scribimus autem Sarracenis, pro ut eis ſcribi per tuas literas poſtulaſti. Datum &c.

Autofidorenſe Episcopo.

Cum tibi de benignitate ſedis apostolicæ ſit indultum quod ordinatio rerum Clericorum ab infeſtato decedentium liberè in tua poreſtate ac diſpoſitione permaneat, volens omnem materiam ſcandalis removere, quod aliquando inter te & tuos Canonicos eſt ſubortum, ſuper duobus nos conſulere ſtudiisti. Primò, an applicatio vocabuli Clericorum tam ad Canonicos quam ad non Canonicos extendatur. Secundò, an illi qui in diſpoſitione & voluntate alterius ſuam committunt ultimam voluntatem, nil per ſe penitus ordinantes, nec determinantes quid, cui loco, vel personæ conſerri debeat, dicantur.

Epiſ. 39.
Quid Clerico-
rum nomine
intelligatur, &
qui conſeantur
decendere in-
teſtari.
Cap. Cūm tibi.
De iuſtamentis.
Cap. Cūm tibi.
De veriori ſi-
gnificati.